

Sakspapir

Saksnr	Utvalg	Type	Dato
003/22	Råd for menneske med nedsett funksjonsevne	PS	01.02.2022

Saksbehandler	Arkiv	ArkivsakID
Ketil Tjore	FE-033	22/163

Orienteringssak

Framlegg til vedtak:

Rådet for menneske med nedsett funksjonsevne ber om at saka om gangveg Mastrevik - Kilstraumen vert teke opp i kommunestyret 17/2. Møtesekretæren formulerer eit skriv om dette. Rådet kjem også med innspel om at det må vera handikapparkeringar som er merka med oppmerking og skilt, og vert brøytt, ved Austrheimhallen og fleire andre stader, som skular, barnehagar, Vardetangen og Molo-kaien.

Råd for menneske med nedsett funksjonsevne - 003/22

RMNF - behandling:

Leiar for planvdelinga Asbjørn Toft orienterte om arbeidet med trafikkisikring, herunder planar for fortau/gangveg frå Mastrevik mot Kilstraumen. Planen var godkjent i 2017, ein plan som vart laga med støtte frå dåverande Hordaland Fylkeskommune.

Arbeidet vart då kostnadsrekna til i alt kring 100 millionar kroner. Har starta med noko av det som var planlagt, som veglysa som var ferdige i 2019 frå Mastrevik til Ulvøy (fekk noko støtte til dette). Politisk er det sagt at denne gangvegen skal prioriterast så snart gangveg med gangbru på Fonnes er ferdig, her er det brua som manglar før alt er klart. Gangveg frå Mastrevik (VGS med meir) og mot Budalen og vidare skal vera det neste store prosjektet i Austrheim.

Austrheim kommune har ikkje kunna forskuttera noko av arbeidet her så lenge ein var på Robek-lista, og fylket er også meir restriktive med å la kommunane forskuttera sidan det låser fylkeskommunale midlar i framtid.

Fonnes-arbeidet som snart er fullført er finansiert med midlar frå bompengepakken

Nordhordlandspakken, og var det prosjektet i Austrheim som var prioritert i den pakken.

Toft oppmoda rådet til å be om eit eige politisk møte for gangveg Mastrevik - Kilstraumen for å setta fokus på dette. Hege Ramsland spurte om det er mogleg å nedskalera breidde og omfang på gangvegen for å få til meir for mindre. Toft viste til eit arbeid som var gjort i Sola kommune i Rogaland, der ein bygde i mindre omfang for å få til meir.

Ivar Bergsvik støtta ideen om å gjera det til tema på eit eige politisk møte, for å setja fokus på dette arbeidet.

Asbjørn Toft sa om finansiering at ein kan søka nasjonale midlar, som innimellom blir utlyst, kommunen kan bidra saman med fylkeskommunen som er vegeigar, eller ein kan venta på fylket. Vanlegvis er det slik at det er lettare å få midlar frå andre dersom kommunen har ein del midlar sjølv også. Kommunen har hatt lite midlar dei siste åra, så lenge Austrheim har vore på Robek-lista.

Helge Dyrkolbotn spurte om det vil hjelpa å vera meir "på" frå kommuneadministrasjonen si side.

Asbjørn Toft svara at det er eit stort prosjekt, om ein skal bygga gangvegen etter reguleringsplanen vil det vera meterkostnad på 7-10.000 kroner. Må nok delast i parsellar, men kan gjerast rimelegare dersom ein gjer som i Sola kommune og byggjer enklare enn det er regulert for.

Mette Ekornrød spurte om ein kan stadfesta meir detaljert når dette arbeidet skal komma i gang.

Anny Helene Sætre Bertelsen spurte om ein ikkje kan kjøra dette meir i parsellar, så langt det er klart frå grunneigarar. Asbjørn Toft svara om dette at dersom fylket bygger ut, så er det grunnlag for oreigning frå reguleringsplanen, og dette vil skje gjennom systemet som fylkeskommunen og Statens Vegvesen har. Også fylket vil tenka på dette som eit prosjekt som må takast i parsellar.

Ivar Bergsvik sa at det må vera plan for å fullføra heile prosjektet, og ikkje berre starta ein plass. Her svara Asbjørn Toft at det gjerne vil laga seg ei forventning om fullføring dersom ein først startar på ein parsell av dette.

Ivar Bergsvik spurte om det er mogleg å flytta vegen for enkelte strekk, og la dagens veg vera fortau. Her svara Asbjørn Toft at det ikkje var aktuelt å regulera det slik tidlegare, då reguleringsplanen var klar i 2017.

Asbjørn Toft sa at ein gjerne kan be kommunestyret om å ta dette opp i møtet 17/2.

Mette Ekornrød spurte om merking av parkeringsplassar ved Austrheimhallen, fekk svar om at dette ligg under teknisk drift (Rolf-Henning Myrmel). Ved Austrheimhallen er det no mykje arbeid med ny vassleidning.

Handsaming i rådet:

Samrøystes for nytt framlegg til vedtak.

RMNF - vedtak:

Rådet for menneske med nedsett funksjonsevne ber om at saka om gangveg Mastrevik - Kilstraumen vert teke opp i kommunestyret 17/2. Møtesekretæren formulerer eit skriv om dette.

Rådet kjem også med innspel om at det må vera handikapparkeringar som er merka med oppmerking og skilt, og vert brøytt, ved Austrheimhallen og fleire andre stader, som skular, barnehagar, Vardetangen og Molo-kaien.

Saksopplysninger: